

გიორგი (გვანჯი) სიჭინა

შურლობა

1999 .



ინგირი

სო მეულ ჩქიმუ ინგირი,
სო რე მისურთქინგქნი,
მუთ გიჩინა, ეთეურე,
ბლვას ქიმშადინგქნი.

რბენიში სანძლოს ითებუქ
მაღალა გვალაში დნაბად,
ბლვა, ჩხანა დო ქარ-ბორია
გინგოჩქვანც მუნაფათ.

აშო ჭვემათ დუმართუქ,
აშო ნირსო დუმართუქ,
აშო თირო დუმართუქ...
მუკი-მუკი გუმართუქ.

აკა წუნც ვესვანჯე,
გილუ ღორონთიში ნძალა,
მიბურჯანქ დო ზღვაშა მეიღ
თირღ გვალაშე გიმნაჭვალა.

ენოცუნქ სქან რობუს,
მუთა გიჩქ გინორთიში,
ღღას ვაგაბანძლუ შარა
გეწურაფიღღ ღორონთიში.

მა შარას ქიგლაფსქიდი,
ირფელ ართო აკვათე,
ეშმაკიშღ გობაკვილქ
ვამიჩქ ნამ ზღვას ვაკათე.





მა ღუართი აიას

მი ეორდი ღო სო პოუეჟ,
ასე ხოლო გურ მანგარც;
მა ღუართი ჩქიმ ღობერც,
მა ღუართი ჩქიმ ჯარგვალც.

კოც, დუდიში უბედურც
მუჟ აღილგნ ქიმეჩიფს;
მა ღუართი ჩქიმ ყებურც,
მა ღუართი ჩქიმ ნერჩის.

უფერუა იმენდის,
ანწი მუჭო მიდინას...
მა ღუართი ჩქიმ ბედის,
მა ღუართი ჩქიმ რინას.

ორქოში ოკვანწაიას
მიღვაქ ოკონი მაძღირკას;
მა ღუართი აიას,
მა ღუართი ლაზიკას.





მარგალური

აიეტიში ნინა რექ,
გუბაბიში ნინა რექ,
ფარგაბიში ნინა რექ,
სალორონთო რჩენა რექ...
ორთაში ღორთაში თოისერც
ღუღშე გინნაჯინა რექ.

საწმობონო რინა რექ,
ქანას ყიშე მინარექ,
შოთაში უნჩაში ჯიმა რექ...
აიეტიში ნინა რექ
ღო გუბაბიში ნინა რექ.



მაკვირენც

„ქღურგული – მეგრელთაგან მრუდი
ლაპარაკი, გინა ჩხიკვია და კაჭკაჭთა
ლაპარაკი. ესე არის მეგრელთა და
მისტანათა ავენოანთა ლაპარაკი“...
სულხან-საბა ორბელიანი.

„ლექსიკონი ქართული“

სულხან საბაში ნარაგად
გურც ბჭუნცე ღო მაკვირენც,
კვარიაშა მუ უგუღე
ოდოიაში მაბირეს.

ურთას ურთე ურთა იცი,
სოლე გოკონი ურთინე,
აშო თოლც ქელარწენც
ცას ელაფურტინე.



სიბიფე

უცოიჭარე სიბიფე,
სი უხორცე, სი ჭიფე,
ეკი-დიკი ქუანტკილი
თეგმა მუჭო გილანთირი.

მიშე რექ, აფეცალი,
სათოისეროთ წვალებური,
უნაყოფოთ შულადირი,
რინა ვადაცალებური.

ათე ქეა გვალო შხვა რე,
თენა ჭარაში გამორსა რე-
ვამუწყინდა ნთირუას;
მითინქ ვამგალორასუ ღო

შხეაშა ვაგოითირუას.
ჭარაში ქუაში ღალა უჯგვ
წყარპიც ქეიშაში ცირუას.

კინე ეშე ქელადირთი
ბჟა დო თუთაში ჩხორიას,
ათენერი ხანდა ოკო
უჩა ღლაში მორიას;
უოღალე, ბურღლაცალო,
ქოცუნაფ ბორიას.

* * *

რჯულო ჩქინობურა რექ,
შურღ ენორღგ მარგალიში,
ჩქი ართი ოღალ მუმობუნა,
ვაკობცემ ანჯარიში.



თე ქიანას მუთ სოფენი
ქობძირით არგამათ,
ცყურაში კუნტა კუჩხეფიში
არიკეფქ ვაგამართ.

ორბოლი ჯგირო დოურკვან
მართალიში ფუჩხეფით
დო ირ დისა აკულეზ
ჭიე-ჭიე კუჩხეფით.

თირიცალო სქვამი ორე,
ქობძირეს დო იხვამეს,
მარა მითინა ვაგოტიბე
დიო თირიში სისქვამეთ.



ჩელა

სერი ორე თუთარჩელა,
მუთა მეძე შქასერიშა,
ჩელა, დუდიში ურგებელა
კინე ირთუ დარჩელიშა.

მონა დლასუ ვაგაბედ
ეშე დუდიშე ეკუნას,
ქიმერჩქვანუ ეკი-დიკი
ნაბარბალიშე გეყუნას.

მუ ოხვარ ათეგმა
გაჭირება ერლვაფილც,
მონობაშა ვადათხინე
მონობას გეგაფილც.

თენა რენო ჩელა სქანი
გურაჟა ღო გიმნაზია,
„სი ღირსება მუშო გოკო,
ინკორი ღო იკვაზია“.

უჩა ბელის ქმაძღირკი
ჩე ბელიშა გოტებულქ...
აიშა მოცოდღი, მარა
ანწი ვემეცოდებუქ.

შარას მეურც ხვათახვალე,
სერი ორე თუთარჩელა,
საონჯღოროთ უკახვალე,
ნარჩქვანიშა ირთუ ჩელა.






ქენოფსქიდი ოკოჩეს

კირდეს ცხიმურც გელუფალ,
მიკვე, მეჭო მუკოჩენდ;
კოც კოჩქუმა ვადარინე
ლო კოჩი ვერგ უკოჩეთ.

მოკოდ ცხიმურცალო რინა,
სოთინდ, ფერდის მუკორჩელც,
მარა დიხაში ცოროფათ
ქენოფსქიდი ოკოჩეს.





დიონისე


დიონისე, დიონისე,
სამარგალოს დიო ნირმა რე;
გვალეფი დო შინდორეფი,
ირუელა ართო გეგნონირსე.

დაჭკოლებე ლავვანეფი,
უჩა ღვინით ნავვანეფი,
დანარლებე სქანიწკმა
მაშუმალი მარგალეფი.

ბირა, ძიცა, სხაპუათ
ბრელი გილეფხიორით,
მარა შური დამონკებე
წარმართა გურიშა ხიოლით.

დიონისე, დიონისე,
სამარგალოს დიო ნირსე რე,
ფურკო მეურც ცა ღო დიხა,
ათაქე შურ ღო ხორციშე ნირზე რე.

კოც ვაუჩქ ათე ნირსი
მუ ოფულარც იჩუანც...
ჩე გოთანა ცას მუკობე,
მალას გეითისინთუანც.






ტეხური

ტეხური, სოლე მირულექ,
ვარა მიშა განჭუაუ,
მუთ გიძირუნა ირიფელი
ბორჯის მიდუსვანჯუაუ;

იშა მუთუნა ვემითხუე-
მანგიორიში ვაუჩქ გაფა.
გაკოცმე ქუჯიში ჯიხა,
ლოუსვილნა გუბაზ მაფა,
სამართალი მის მობკითხა:
ეშე ცა ღო გიმე- დიხა!

ლეგენდეფიში უკმელას
თეგმა მუშენი გილამცუნი,

მუთუნც ვამრავაღქნი,
ვაშიჩქ მუჭო გილაშუნი...
უღიწა ბორჯიში მარგუალი
წყარა რექ დო ვარ ჩილაშური?





ჩქიმი რინა


თე ქიანა საღორონთო,
ანთასნერო მოხანგილი,
ნამთინეშო სამოთხე რე,
ნამთინეშო ქუანგკილი.

გაცუდებული იმენდეუი
შქირაგილო გილამიღე,
ოჭმარეში მუნაჩემი
ონჯუაქ მიღამიღე.

ვამითხუ ღო ვამისხებე,
ნაჩუქებუში მიჭირც გაფა,
მითინც ვამუეფუათ
მერჩქვანელიში დათხინაფა.

ულირც ვადომრთინუანც
ქარ-ბორია მარშვინალი,
ოში წანაში რინა მაჟუ
ართი დღაში გაშინალი.

დიხაში ღართიქ დუმაშირ,
ვორწყექ მალას ბლურუქენი,
ღორონთი თევრე მუს მოძირა
თაქ თოლც ღომიწკურუნქენი.






•

წყარა მურც ბლვაშა
იშო ღო იშო,
ბორჯი მუნარე
ქიანას ჭყიშო.

იმენლეუა მებილ
თეშა ღო თიშა,
პუხუს მუმობუ
ორბოლო ქვიშა.

მეცა მუთუნ ვარე
თაქ კოჩიშე სქიშო...
წყარა მურც ბლვაშა
იშო ღო იშო.




საგანაში მოძირაფა

გილურცუ ღო ქალაგენც,
მარა მართალც ვათქუანც,
უჯოლორე ქიანას
კაგუს ოლალაფუანც.

კონწარ ბიგყვას უჩინანც
შორებელ ღო მოხოლეს,
კვაკვილეუით გოდაცილი
ბეწვის გორჯნც შხვაში თოლეუც.

ტვინი ლუციფერიში უღო
ღო გოძიცა გილარდეში,
სურათიეფი მუკაბინც
იუდა ღო პილატეში.

ობშხა ჭითა ოხიოლ
მაზაკვალიში ნანათას,
მარა ეთი უბელურც
გაკასერუ თანაფას.





დადიანიში აბარწაშე

ცყურა ფთქუე, მუშო გოკო,
გირაგადქ მუთ რენ თის.
ჭიე-ჭიეთ ინგირპიჯშა
ქუმოურთუმ რუსეთის.

მოლე ჭვენც ღო გიოჭვენც
დადიანიში ღოხორეს,
ამსერი ქუდმარულესკდა
ქობძირჯნთ ონჯლორეს.

ცყურა ფთქუე, მუშო გოკო,
გირაგადქ მუთ რენ თის,
დადიანიში აბარწაშე
გინვოჯინექ რუსეთის.




ჯოჯოხეთის მივანჭით

ჯგირღ ბჭკუმით, ჯგირი ფშვით,
ლაგვან ღვინით ეკოფშით,
იპიდით ღო გიმოფჩით,
ორქო-ვარჩხილი ღობზირით,
მარა თენა იშენით
ბორიაში ეკოთხოზინირღ.

სქვამ ხასეფღ მიფუნღეს,
გურც ბისხირი მიფუნღეს,
მარღშა ცოღა მისხუნღეს;
ჩქინ გემოშა ვორღით ღო
ჩქინ არშინით გობზიმით...
ქიმეფხვადით, თენა ხოლო
ბორიაში ეკოთხოზინირღ.

დეუკმელ დო ქიფინით,
მუჭო ტყურათ დიურჩინით,
ულერი დო ჯვეში ამბე
გურიჭვილო გიუშინით.
ჩილათა დო შეცოდება
რჩინ თოლეფით ქობძირით...
ჯოჯოხეთის მივანჭით
ბორიაში ეკოთხოზინით.






გიკათნო გორჩქინაშა

ახავაი, ღურა სქანი,
ვანორჩქვენო მუს გექნი,
ქომწი, მი რე მუასქანი,
ათეჯგუა ურდუქნი.

კოროცხუა ვამაცალი
მეზმა ღურელი რწკინესგნი,
მუ გებძნა თეზმა ვალი
ღდას ვამაგინესგნი.

ირ შურდგუმელც ოშიქურ სქანი
მოკითხაში მოჩინაშა,
ქოპილგნთუნი, მუთიუნა შანი
გიკათნო გორჩქინაშა?



მეცყურეფიში ქიანას

მეცყურეფიში ქიანას,
ბულს წილნა იანარც,
შურო ბირგული ქგორგუნდა
ულაქ ვადგეგვიანას!

ბულიში ამბე, ამჭუანი,
გასიმეს ციორით,
ასე ირ კოჩი, კარაჩხამო,
გილერულე ხიოლით.

ქი ბოჯეს: – ცყურეფიშა
მართალი ვამიწყორუათ,
კათაქ ოკო დომურდას
ვარენა თიში გორუათ!“

ღორებულეფი ონჯუაშა
ტყა დო გვალას ილენდეს...
ჭუმე ხოლო ვემიარკენა
ათეჯგუა იმენდეფც!





ნტერშა იბმას ვამოშქურ

მემიჩქნდა, ნგარას ქოგ
ათე ჩქიმი ობირეში,
ნტერშა იბმას ვამოშქურ,
შიში მილუ მოჯგირეში.

ამღლარ ღლაშა, ირიათო,
ლუმა ცოფე ოდიშის.
ნტერიში ყამა გურც მუმოგ,
მოჯგირეში— ოჭიშის.

ეშმაკი ღო მამაკეალქ
ირფელი კვარჩხშე მოძირეს;
ნტერც ქუდობხვადუქ, მარა
მუ ბლოლუა მოჯგირეს.



თხუმე

(ოცქვაფური)

ჯიმაცალო საიპენდო,
საყოროფო თხუმე,
ვამთასქ, ვამირგქ,
სქანით ქემოირთუმ.

ჩქინო ვარე თავადიში
მოინალე ჭყონი,
სი ორექ ჭკორეფწკმა
პართალი დო ბონი.
არძა ჩქიმი გაჭირება
სქანდა მუკომპონჯ,
სქან იმენდით ფთასნქე დო
სქან იმენდით ფხონჯ,

ჩქიმი შური, ქოთომცალო,
სქან ეს გილამცონე.

თხუმუში დანდა,
თხუმუში ბოგა,
თხუმუში დიშქა,
თხუმუში ოდა,
თხუმუში ქვინჯე,
თხუმუში კუბო...
სი ორექ ჩქიმი მინჯე
დისაში ეი დო
დისაში თუდო.

ჯიმაცალო საიმენდო,
საეოროფო თხუმე,
ვამთასქ, ვამირგქ,
სქანით ქემოირთუმ.



ქლოფსქიდა მელერსეთ

პოეტეუი ბრელი პუნა,
მარა ხასლათ გელერთეს,
მარგალურო ჭარანჯნი,
ქიგიოდვანა მელერსეს.

მიდგას მუჭო ოკოდას
იბირას დო ღვარუას,
მა ქიდიბჭყა ჩქიმ ობეს
უხარ თირიში ხარუას.

მარგალეუქ პოეტიში
დაჩხირ გურმა ქელერბეს,
მა ჩქიმ ნინაში ცოროფათ
ქლოფსქიდა მელერსეთ.



გოთონჯი

თუნც. თუნც. ფუფქი ცენც.
შურა ხიოლით ენიცენც.
ცა დიხას უძიცანც;
ათე წუნც, ათე შეანც
უწამებულც ხოლო წანც.
თოლ ჭკუმუნც, თოლი შუნც.
ქარ-ბორია გვალას ხუნც,
გოთონჯიშა მუორეს
ჭარკანგია ეშანწყუნც.
უმკუწკანგაუ თირიში ფუფქი
გურც
იმენდეფო პუნც.
გოთონჯი რე: თუნც. თუნც.



მუშა იმენდით

მუშო გოკო ამდღარ ღურა
იშო-იშო გობინდე,
ევრე ღურელც ორკდე ღო
ავრე თელეფც ოძინდე;
ნგერეუიშა სახიოლოთ
სქანიანეფც ორკინდე.

მუ იმენდით დოხვადუქ
ჭუმენერ დღაში გოთანას,
ფარას ქოშაყარა, მარა
სო იყიდე კოჩანას.



ლორონთი ქმაპატიენა


მირულენა მარულევი
სამარგალოში მინდორეუც,
დიხაქ ეჭიჭარესუ დო
ფურინუა მინდორეს.

ქარ-ბორია მის აჭოფე
ლობერი დო ნორცყეფით,
ბორჯიში მერქას მეთხოზენა
ჭყვინგალ-ჭყვინგალ ბორკეფით.

ფერდის გეკოყვინგესუ დო
ეშე სქვამას მირხინეს,
ხურხის ფაფარ ეფაჩილო
ცას ქელაჭირხინეს.

ღუღა ართიანც ქიმკოდვეს,
მუშობურათ რაგადეს,
უკული მინჯეშე ცოროფათ
აშო მალერაბადეს.

ჩქინი გური ვამაშუე
მუთუნ ხვამა-წირუას,
ღორონთი ქმაპატიენა
სქვამ ცხენეფიშე ხირუას.





არიკი ოკო დოფსხუნათ

ხურჩა მოურც ხურჩინით,
არიკეფიში ხურჯინით,
ბძირით, მარა მუ ბძირით:
წყარიშ დიდას უჯინით.

ბოგა ცყობას მინიბლით
ბიწკითუ დო ფურცქინით,
ოფუტეშა დიფრთითუნი,
ნაძირეფუს მუძინით.

არიკა ოკო დოფსხუნათ
შური ქიგნვორთუათუნი,
მართალიშა ვეგირბინე
ირო თინა ფთქუათუნი,
შარა ვარე, ჯიმუცალო,
ცყურა ვაუკათუათუნი.



ურქიმეთ


აკისერ დო მუმულიში
ციონუას ურჩილექ,
დისერუდა, მუ ფქიმინა,
კინ გოთანდ ურქიმეთ.

სუდეში ჭიჭე ოსინთეშე,
მუნაფილ ცას უჯინექ,
თენა ხოლო ვამონარდ-
ვობუათუნც ურქიმეთ.

ფირქეფი დო არბეფით
ჭკუას ცყურათ მუქინე,
ქარ-ბორიას ქინი ორთა
დარჩქალუანც ურქიმეთ.

რინა მითინც ვაუკითხირ—
უკითხირო გოფრჩქინექ,
ღურა ხოლო სოდგარენი
გინომჭყვიდეს უჩქიმეთ.

მათ ქლომცეს ოქიმნალი,
ჭიე-ჭიე მუდგარენი...
ყებურც დახხირი ქოშქირცღდა
შური ოკო უმბარენი.





ბარცხინდია

უჯიშე ღო უსქვამელა,
აკაბურცხა გიძიგვინა,
ღიხას ძიუთ ეშარჩქექ,
ვეშეილებ მუწოდინა.

კოჩიში სქუას ვახიოლ
სქანიცურე მუკოჯინა;
შურღ გიდგ, მარა მუშო გოკო
ათეჯგუა ჭყელი რინა.





ნამარგალღ

აიშა მარგალღ ცოფე, მარა
ასე ორე ნამარგალღ,
დოცორადე იში ოლა,
ყამბარც ფოკვა ქემნუღვალ,
მიწოგებულ ნოხორის
ინჭირიას გოუფად.
იშღ ნაჯლას ვეპიოხე
ნოქური დო ნაბარბალ,
გოჭყოლად ნანაში ნინა,
მედინაფ სამართიალი;
ქორე, მარა მითინც კოჩო
ვეპიორჩქ, ნამარგალღ!



აჭუ მარას ოჭუმარე


სერით ირო უკმელა რე,
სერც გოთანა ვაუცორც,
ღორონთც ორთაში დონწყუალა
გაუთებუდ მარუოს.

აჭუ მარას ოჭუმარე,
ვაგოთანდას შარა ვარე;
ჯვეში რე დო ახალი რე,
ორთა ირო მახალი რე.

აჭუ მარას ოჭუმარე-
ათაქ ირფელღ ჭუათ მურც,
სერ ითებ დო უკმელაშე
დლაში სინთე მოჭვათჯნც.

ორთაში თოლიში გონწყმა რე,
აჭუ მარას ოჭუმარე,
ჯვეში რე დო ახალი რე,
ორთა ირო მახალი რე.

ახალი ამბე მინჭუაუ,
ვორექ გურიში გოჩამას,
ორთა ქვარას იჭუანც
სამარგალოში გოთანას.






ჩილამურიში მათხუალი

ართი კოჩი დოღურე დო
მეულუდეს ურემით,
ჩიჩურეფიში მაქიმნალი
ღურა ღღაშა ღურელირდ.

დარხინებას ეაგოთხუდ,
გაჭირებას ვეგორედ,
ონთხორალი აიშა ორდ,
მარა თელო ვენტხორედ.

კოჩიში სქუა ვანარღუდ,
ვარდ მითინიში მარგუალი,
ასე ამარ ურემც გეძ
ჩილამურიში მათხუალი.

კოჩანიერ კოჩიში ღურა
ვარე გურიში გასოფალი,
თენა ორე ონგარალი,
თენა ორე საცოდალი.






თუთარჩელა

ცა მურიცხით გოჭკადე დო
დუც გიმორე გოფშა თუთა,
მოშქურ დუმაგყობასგნი,
ელახშე გობჟათუდა.

სისანდობა სოთინ ვარე,
ხვალე ინგირი შუმინგნც.
სისმარეფიში მინდორეფც
შერეფი გილაფურიგნც.

მასქური გილექაქალუ დო
უკვანწუანც ჯაში ცალეფც,
ათეჯგუა სერც ლურანი
მა ათენა მაყალენც.


გეოლოგინა, ქუეოძირა
თე სისქეამეს მაყალეუც,
ვარა ჭუმე ოჭმარეს
ქომიწინა საყალეს.





უკონობაში კონეუი

უკონობაში კონეუი
გვალო ბრელი ცოფეთ,
უკმელაშე არგამათ
დუდი გეითაჭოფეთ,
დინახვილა ვიროხაცალო
ირუელი აკისოფეთ.
უკონობაში კონეუი
მუ სანგარო ცოფეთ.





ევროპა

დინდარა რეჟ დო მონჯარუა
ბრელი ორქო-ვარჩხილით,
სერი გოსარკალერ გაფუ
ეშმაკიშა დაცხირით,
მარა ღორონთი სქან სინთეს
ბგორითუ დო ვაბძირით...





ცურუ


ცურუს ხოლო ნოკობუე
გეჩანდას ბონასჯნი,
მარა ოჭიში ვეიაჭოუე
შხვას ვემკაპონასჯნი.

სარხოს მითინ ვემკინჭანც
შორშე მუდგა თხუასჯნი,
თიშენ ორე ირიათო
ოცად მეგყობუასჯნი.

უსამართო ქიანას
შეულებ ბარხულც თუასჯნი,
თინა ხოლო ვაიკვედას
წყარც ქმანგუასჯნი.

ვაძირიო, ცურუ ჭყონც
ოგურუანც ჭკუასანი,
მუ ეი, ცაშა მინჭუაუ
ლო ის ოშქვიდუანცანი.

ათეჯუეაში მაძირაფუს,
ლორონთა ქომწი მუ ბჭარენი,
ჭყონი ცურუს დოუფორი) დო
ვეჩინებე მუ ჯა რენი.





ოფუტე

ჭვენც, ჭვენც, ჩხაპალანც,
გვალა ნირსის შაყარანც,
ბღვა ილენც, ღაჭალანც,
მუნაფაშე ანწ მალას
ჩხანა გეითობარჩხალანც.

ნაჭვემერც ირფელ ართო
ველჯნცღ დო ვარკალანც,
შურუბუმ ინწრო ღალი
მოფუნცღ დო ხვარჩალანც;
მეშულადირი ქარ-ბორია
ბორულც გილაფაჩალანც.
ჭიჭე ბოში ნაჭვარას,
ობჟინუანც ნაცალას.



მიშა მეილუ...

სო ვენგა ათე
ორთაში რსიოლცე,
რინა ვამარზენც
მუთუნ სიოლცე.


.5

თულო სოღგარენი
მართუ ირთანცე
ლო ღუც კვარია
გიმოყირგანცე.

ათე ბღვა ითამ
სოთინ ვენტირე,
მარა ორთაშო
ინა ჭვეთი რე.

გილეორექ შარას
შარა ერთელი
ლო ვამიჩქ ანწი
მიშა მეფროთენი.

სქვამ მაფშალია
სი სო მეული,
მიშა მეილუ
ნინძგით პეული?





ლესიჭინე

ლესიჭინე, ლესიჭინე,
მა სი შურო ვამიჩინე,
თოლეფც ვადუფაფუანქ
სოთინ შარას მეგიდინე.

სამარგალოში ჯეეშე დიხას
მიწონებუთ მოჯგირეთ,
ართი თუთარჩელა სერც
მა სისმარო ქოიძირეთ.

თოლით ვავორწყექუნ თინა
ირფელი გურით მიჩინებ,
მურიცხეფიში მახანა რე
ჭანეფი ღო სიჭინეფი.



აფუნი

გოთანღვ დო ბეაქვ გერთ,
ოცხიმურეს მუკულუ,
გოხოლუას მაფშალიაქ
სქევამას ქიმიოღურჭულუ.

ბარდუფი დო ბარდუფ შქას
გილაცოცნც ყურდგელი.
ბრილიანგით აშაფშა რე
ნდოლო გინოცუნდელი.

შუკას ჭიჭე ბოში მოურცვ,
ჭიჭე ბოში, მაფალუ,
რუნტუეფი მოურაყ,
მეტი მუთა აპალუ;

მინდორი აშო მაბაღუ
ნოსო ეთორჩაფილი,
ჭყინგი ნდოლოში წვენით აფუ
ნარჩა გითოლაფილი,
იმენდეფი გააფაფუ
ცაშე გითორღეაფილი...

აფუნღ რე დო ირფელ ფუნც,
სერით ნდოლო ცუნდის შუნც,
იშო-აშო გილურქენი
ცქირპაპეფი გილაპუნც.
წყარეფი გეშასქირაფე დო
გორდი შარას მესხაპუნც.

ორთა ოცად მუნაფაში
ცაშა ეშაყუნაფას.



გეკულა

ცვანეუც დო მინდორეუც
შურ მოდგუმ გეკულას,
ბოთონჯი გვალო დორჩინე დო
გვალას ეკი მექულანც.

ვარდღ გოფაჩე ჩხოროფათ,
ბჟა დო თუთაში. ცოროფათ.





მა ხვალე

ირფელქ მუშ-მუშ თურო გირთ-
შხური ნგერწკმა ვალოდირთ;

ჩიგეფც ართო უსხუნ რინა-
ართიანიში ენოჯინა;

წყარი წყარცკ აკათუ,
ვაულ შარა აკართუ.

თე ქიანას მა ხვალე
ვაპუნც მითინა მაყალე.




სოდეთ დიხა ითებუნი

ამდღა ბღვაშა მიდაურთი დო
წვალებურჲ შური მიდეპუნი,
ეგებ თაქ რდას უჯგუში რინა
სოდეთ დიხა ითებუნი.

ვამიჩქ ანწი, ონჯუაშა,
ბღვაში ჯინა მუს მუჩანც,
მემიჩქდა, თაქი ხოლო,
ცოდა ფუნც დო იბურჯანც.

გაჭირებულც ირ დიხას
ქუა მოთხოზ დიკოხინც,
თე ბღვას ხოლო თენა ცოფე—
დიდ ჩხომი ჭკუმუნც ჭიჭე ჩხოპც...

მუშო მოკო თე ფირქეფი,
დუს მუ ჭირი აუჩემი,
ვაუჯგუნო, გილართე დო
მეთუნს გური ვაუჩენი.





შხური

მელეა დო აიეგიში
ოხვამერი შხური,
მუთუნც ვამრავადუქნი
მეშენი დემენდური.
ღორთინთიშა მაფ ბალებური
სქანი წკონდა შერი.
სქანი ტყეშიშა გეჭარილი
რჩქინა ჯვეშ კოლხური
მიღუდუ დო მიეოდინენჲ
მა ეთი დღას ბღური,
რინგუეფშა გორთირე დო
თოლეფი ქიგიბწკური.




დორთაქ ვაგაშქურინას

ზოთონჯა დო შარა-შარას
ობირგულე გილაძ თირი,
ცოდა ორე კოჩიში სქუა
მუბაწკმა ჩილათირი,
მუშ ცუდეშე გინულირ დო
გალე ელასქილადირი.

დისას მუთუნი ვეფალჯნც
ონლო თჯნც დო ცინცჯნი,
მუ გოხვარ, მაგაკვალი
ტვინც მოირხინცჯნი,
ორქოთ მუგოთონუანც
ტყას მუთ ქიმთორწკინცჯნი.

შურდინაფილქ ეშე ცაშა
მუჭო ოკო ფურინას,
მეჩირთიდა, კინ მუმაშა
დორთაქ ვაგაშქურინას.
ოღონც, შურქ წკუმონგილი
შარეფი ოკო გოთინას...
ღორონთი მიახიოლანც
ჩილათირიში დორთინას.






ჩქიმ ჯარგვალიშე ხოლოს

მუწვოჯანუქ ნდოლოს,
ჩქიმ ჯარგვალიშე ხოლოს,
ჭვემაქ ოკო მორთას
ათე თუთაში მორთას.

ონარლებელი ვამილ,
ცვანა ქუმაფ ბარგილი,
ორგვინი ხოლო მიჩანც
სუკის მუკოქარგილი.

ღობერც მელე, მინდორც
„ჩელაია“ ინკორც,
თე ოფუტეს ონჯარ
თიშე სისქვამე ირ კოც.

ბღვაშე მასქური ირქენც,
უფერუანც ირფელც...
მუწვოჯანქე ნდოლოს,
ჩქიმ ჯარგეალიშე ხოლოს.





მარუო

ჩხანას თულო გიმულებ დო
დუც ინწყუანც უჩა ბლვას,
აკოსერელც კინ თუთაშა
დორთა ოკო თუცაშხას.

მარაში დღალეფც უგურუა
ბორჯიში ჭიჭე ნახარცქას,
მურიცხეფიში თარჩია რე,
თახა მოურც თახაშხას.


სერიში უჩა ნოდართია
გოუსოფუნა ღუმა შქას,
ჯუმას ოკო დოხვამლაფა
ათე მარაში ჯუმაშხას.

მუთ გიძირუნ თინა ორე,
თაშე ცოფე ღო თაში რღას,
ამსერ ღიმუნუანც, მარა
გიფთანუა ცაში ღღას;
ღორონთიმ ხეთ ერბაფიღ
სინთექ ოკო ვაშქირღას.

ობი უჩა მურიცხი რე,
ქმმაკათუ ობიშხას,
ჩქიმ გორუას მუთა ოკო
ბუგიდი ღო ხობიშქას.

თოლეფა მა შხვას მოძირანც
ღო მირაგად გური შხვას,
ულირეფიში გოშინა ღო
მურიშე ღღა რე შურიშხას.
ღო მაშქვითა გოთანას,
საღორონთო ბქაში ღღას,
ევაში ცოღაში ნაშქვიღას
ეგებ რსხება მაშიღას

მაბრუო ღღა ხოლო ცოფე,
მარა ჩქინდა მუთ მორთას,
იშე სინთეშა შარა მებე
ხვათახვალე გოლგოთას.





. . . .

ფერდის ეკი ეკიუმში დო
კირდეს წყარეუი მოფუნდეს, ,
შოკოდ ეიშე, ართშა ვარა, : :
გინვოჯინკო ოფუტეს.

ასე, მა დო ჩე მუნაფა
გოლაში კონკის გიმვობხეთ...
შორშე ირფელი სამოთხე რე
დო ხოლოშე ჯოჯობხეთი.





• • •

ანწ მუთუნ ვარე
თაქ ჩქიმი რინა,
მუშა ვორდა დო
მუშა იბჯინა.

ირ კოც ქუბალი
სიკეთე, ძინა,
ულაში წოხოლე
მეგ მუ დიფჩინა.

ანწ მუთუნ ვარე
თაქ ჩქიმი რინა,
მა მიდაფრთიდა
სი ვემიწყინა,
ვეკმონგარა დო
ვეკმოკიყინა,

ანწ მუთუნ ვარე
თაქ ჩქიმი რინა.

მოლე ვორექ დო
ვამოხუჯუნდა,
მის უჩქ, ეგება
მელე უჯგუნდა.





იმენდი

თუთმაცვიში გახარება
რინაში კირბის ვაჭარდ,
კოცუ ოჩქარუდნ თინა
ღორონთიც დიო ვაჩქარდ.

თაკილი ღო ნარღიში ჭჷა
ცყურათ გმათაკარუდ,
„წყარი ურც ნაწყარუთ,
შარა ურც ნაშარუთ“.





ვეშმალინე ტკიბირით

ართ ღლას ვაღურუნი ფერი
თე ქიანას მი ძირით,
რინაში დღალეფი ძგვაგილ მაუ
კაკლარი ღო ძიგირით.

შურცუ ნგება ულამუ ღო
ძიუთ მიმარგ კიბირით...
ინჟას წყარი ენოდგ, მარა
ვეშმალინე ტკიბირით.





ჩვამა

ჭიჭე ჩხომიში მათხოზინე,
ურძლაფელა ჩვამა,
ხვალე ჭკუმ დო ხვალე შუნქ,
ვაიჩქ შხვაში ჩამა.

ფსუალეფი მუშო გოკო,
ნინძგი გაფუ ყამა,
შორშე კვატას ქოგჯქ, მარა
ვარექ იშ მასქვამა.

მა იშენით ვაბჯოგჯქ,
უჩარდია ჩვამა,
წყარშე აშო ვეკურქდა
ბლვას დოიხვამა.



ქირშა ქირი

ქირშა ქირი ოთხი ორე
მუღგანერო თირუე,
სოდე ნძალა ვაგურცგნი,
ქოუჯგ მოუფერუე,
სქანდე უმოს ჭყანიერც
ჭკუათ ოკო მერუე.
ქუაქ ბრელშა ეიოჩირთ
ღუდი თუდო დოკინელც,
ყილოს ვაშქურუდუ, მარა
მოხუჯურო დოკირეს,
ავრე ქალეფქ ქიგიოტირხ
ხოც, გომეშიში მორკინეს.



ვაშინერც

ღურელც ტაბაკი მუშო ოკო –
ვაყუმენც ღო ვაშქირენც,
მარა თია ვეგლუდვენი
იშენით ვაშინერც.

მარდი ცოდათ გინუგაუ
ჯგირობუა ვარჩქინელც,
გურქ მოირთდა, ვადოჭყუა,
ჭყალა იშენა ვაშინერც.

შანქარქ გაყუ ჭკუმუნქდა
ხუთნერი ღო ამშვინერც,
მარა ომბოლც, ხიგა ვარა,
ვამკუტახე, ვაშინერც.

კოჩი ტანიში სინთელეს
ოღინუანც ორჩინელც,
ემინჯურო მიწოტება
ცოდა რე დო ვაშინერც.

სქან მაყალეს გოუბგირტია,
სოლედგარენი მაჩინეს...
კოჩქე დუდი ქიმგენდდა
გითოჩამა ვაშინერც.

გური აფუ ფშინაფილი
ჰარამ თოლით მაჯინეს,
მეძობელიში ჯგირობუა
გოწყინდასჯნი, ვაშინერც...






გურმეჭვია

მუშ მანწარა უსამართო ცოფე
თე ქიანა ჭათი გინორთივილი...
გურმეჭვიას გური აფუ ჭვილი,
ძერაქ მიდულ ღუმა ცოროფილი.

მითინ ვარე მოხვარე დო მინჯე,
გურმეჭვია შურდგუმა რე ჭიჭე.





• • •

ქოთქვი მუთუნა სახიოლო,
გვალო ცყურა რდასუნა ხოლო,
ვარა ნარლეფც მუულუქ ღო
ქაწგოდინუქ მალას თოლო.

ღვინქ გეთუღა, მუ ფქიმინა.
ოკო გეფშვე ჭვასე თხოლო..
ქომწი მუთუნა სახიოლო,
გვალო ცყურა რდასუნა ხოლო.





მტკვარი

მტკვარი ვარე დიდა წყარი,
მიკვე მუშენი ციოდვეს,
ტყურას ქიმვარჩქვანითუ ღო
დიდაცალო მიცორღეს.

მუთუნც ვაგინაფულენც
ქვინჯის გერშვილი ქეაღეფი,
მტკვარი შხვადო მეურცუ ღო
შხვადო მეცუნც სქუაღეფი.

ჴრა მღვაპიც ღებად, მარა
რინა უსხუნ კასპიას,
მა აშო ღო ინა იშო...
მუ ვეჩუათ ართიანც.




ღორონთც ვემუდინუაფ

ათე ლერსეფც, მარგალურც,
ნამუთ გურუ გაფუანდ,
ეშმაკი მივარანდ, მარა
ღორონთი მოჭარაფუანდ.

ჩქინი ნინა, ამდღარ დღაშა,
სოთონ ვემიშინუაფ;
კოჩქუ მიოდინუ, მარა
ღორონთც ვემუდინუაფ.

ცასუ ორდუ ჩუალირი,
ასე აშო აზარეს,
თოლეფც კინე გოუნჯანა,
მუჭოთ ქრისტეჟ ლაზარეს.

დიო, ცოდათ ნაგოლოფა,
შური ოკო დოჩხაპას,
უკული ქემმოგყვინუნა
ახალი რინაში დოჭყაფას.





ქოფხვადღ დო ქომღუდას

შხვაში ცუდე, შხვაში დიხა,
შხვა დო შხვაში ფანიეუი,
მუკი-მუკი ჩე თირი დო
ნოშქერჯგუა ყვარიეუი.


მენძელი ქორე ბედინერი,
ონტკას შუნც დო გეფუშანც,
გიოჭკუემალი ვაულ, მარა
შურც უნთხუანც ხეფურჩას.

ეშმაკი დო მაბაკვალქ
ქიგმორინუ უჩა დღას,
მუ მოკოდ უღორონთე
გლაზოვო დო რუბაში ცყას.

ბეა მუნათას მითოგყობ
გოსარანჯელა იანარც,
უნა ღურა მუნობძვენო
ყვარიეფიში ქიანას.

სო რე ჩქიმი შურობემუ
ლო ჩქიმ ჯვეშეუქ სო იღეს... ;
მიშა მუ მიღ ორაგადე
ღუდიში გმაჭყოლიღეს.

კოჩი, შხვაში მოინალე,
მარდი ორე დოღურდას;
მუთი მოჭირჯნი შანქარ მაუ,
ქოფხვადღ ღო ქომღუდას!





ვანორღვენო სამართალი

ქოიძირენო მითინ კოჩი
თე ქიანას ურთანდენი,
მიში ჭყოლოფუა გაფუ
ჭუმენერი დლა ვითანდენი.


მიქ მოიფუნუ ათე თუთა –
ლუმა თუთაში მორთა რდენი,
მი რე ათაში სქან რინაშო
დლა დო სერით ოცადენი.

ვარა მი რე გალუაფუ
თეშ მადილა დიხასენი,
მი რე სქანი სარგებელო
თე მინდორეფი ვითასენი.

მიქ ეიორზ ათე ჩხანა
ოციბუანც ქანასკნი,
მი რე ჭვემათ გიჩხაპუნცკ
ნაგოლოფა ცვანასკნი.

მის მოცუნცუ გამარხული —
გოთონც მუღვა თუასკნი,
მი რე ოფალაფუანცკ
ჯას, სქან ღუნარგუასკნი.

ვანორღვენო სამართალი
გილურქუ დო ნღურენქენი,
იშო მუთუნც ვარგენქდო
აშო ირფელც თხულენქენი.





რინა მოკო პელაბგური

ინა შხვანერი თოლით მორწყე,
გვალო შხვანერი ელაძ გური,
მიბურჯუანც გოთანაშა
მა სისმარეფი პელაბგური.

ევრე ინგარც პირამიდა
დო ათავრე კელასური
დო ვამოთხუ გოთანაშა
მა სისმარეფი პელაბგური.

ინგირი დო ცხენწყარ შქას
ქენიფხვილჲ დო ქელაბღური;
ფსუაში გოფაჩუა მოკო,
რინა მოკო პელაბგური!



შურობუმუ

შურობუმუში მინდორეფც
შურიში შარეფი გაფუ ნაღჲ,
მიქ მერკვათ ფსუალეფი
მურიცხეფშა მაფურნაღჲ.

სქან ოცქვაფურ ისტორიას
ხეჭკურელო მუკურექ,
გოლანერი კოლხიში სქუა
ამღლა ჭიჭე ძუკუ რექ.

ქოგურაფუქ აგაგას,
უხონხხე ღო უგურეს;
თელეფწკმა რგორი, მარა
ლეგენდეფშა მოწურეს.

სქან დინაუას თუ ქიანას
შურო მითინ ვანარლენც,
ბორო რექ დო ეშმაკის
გიძახნა გამაღეთ.

დოღურიდა მუ გიწუა,
მეგის ვაღოიბანძლუანქ,
გოცქვენი გვალო ქღღგარულ,
ეგებ მოირთას ლანძლუაქ.





ჩქიმი ღურა ნოკობუე


ჯგირობუა მუთა ბძირი
დო მუთ გაგიხარა გური,
უჩა ბღვაში წყარც წყათნცე
აიეტიში ჩილამური.

მა თი რჩქინას გივაყუნი
მუთ ჩქიმ ჯვეშიქ მოგურუნი,
მარა ვამიჩქ ელახშე
ჯიმა მუშენი მონდურუნი.

ამდლარ დლაშა ვეშმატყვინე
მუ პაგონეფი ოსურუნი,
დუდ სომეხშა მიკუბუ დო
ლაბ-მარგალშა ოშქურუნი.

ათეჯგუაში მაძირაუუს,
ნოგე თოლეფი დომწკურუნი,
ჩქიმი ღურა ნოკობუე
უჩა შარა მოწურუნი.

ვანოჩქვენო, წყარიცალო
დოწენც რკინა, გონდღულუნი,
საქორთუო ვეცუაფუ
სამარგალო დოდურენი.



სო მუ რენი

ინგირი	3
მა ღუართი აიას	5
მარგალური	7
მაკვირენც	8
სიზიფე	9
თე ქიანას...	11
ჩელა	12
ქენოფსქიდი ოკოჩეს	14
დიონისე	15
ტესური	17
ჩქიმი რინა	19
წყარა მეურც ზღვაშა	21
საგანაში მოძირაფა	22
დადიანიში აბარწაშე	24
ჯოჯოხეთის მივანჭით	25
გიკათუნო გორჩქინაშა	27
მეცყურეფიში ქიანას	28
ნგერშა იზმას ეამოშქურ	30
თხუმე	31

ქლოფსქიდა მელერსეთ	33
ზოთონჯი	34
მუშა იმენლით	35
ლორონთი ქმაპაგიენა	36
არაკი ოკო ღოფსხუნათ	38
უჩქიმეთ	39
ბარცხინდია	41
ნამარგალ	42
აჭუ მარას ოჭუმარე	43
ჩილამურისში მათხუალი	45
თუთარჩელა	47
უკონობაში კოჩეფი	49
ევროპა	50
ცურუ	51
ოფუტე	53
მიშა მეილე	54
ლესიჭინე	56
აფენი	57
გეკულა	59
მა ხვალე	60
სოდეთ დისა ითებენი	61
შხური	63

ლორთაქ ვაგაშქურინას	64
ჩქიმ ჯარგვალში ხოლოს	66
მარუო	68
ფერდის ეკი...	71
ანწ მუთუნ ვარე...	72
იმენდი	74
ვეშმალინე ტკიბირით	75
ჩვამა	76
ქირშა ქირი	77
ვაშინერც	78
გურმეჭვია	80
ქოთქვი მუთუნა სახიოლო	81
მგკვარი	82
ლორონთც ვემუდინუაფ	83
ქოფხვალე ღო ქომლუდას	85
ვანორღვენო სამართალი	86
რინა მოკო პელაბგური	89
შურობუმე	90
ჩქიმი ღურა ნოკობუე	92